

初編卷百四十五目錄

吳爾

周日贊

張永祚

訖

馮成修

法坤宏

張本

潘士權

孫夢達

郭煥

劉世甯

馬寅著

錢在培

唐英

褚寅亮

張模

董達存

尹均

顧鎮

王又曾

邵齊熊

汪棣

戴文鎧

袁名器

黃齊煥

吳泰來

孟超然

廣順

項瀉

石鴻翥

補錄

張宗蒼

姜錫嘏

國朝耆獻類徵初編卷百四十五

通奉大夫前署江西巡撫江西布政使司布政使湘陰李桓輯
郎署七

峻德

納蘭峻德克明歲貢生任戶部七品筆帖式副憲奉天孫公所薦
與同官保祿在中皆有詩名南城潘安禮序其使秦集云覽其感
物造端道古吟諷動生千載之思而風俗政治之大端一篇之中
閒見側出

詞科掌錄

納蘭戶部慎齋嘗寓盤山天城寺與水月庵僧然西以詩往還繫
於小犬之項云相望一峯隔相呼恐不聞寄詩憑小犬好去度深

雲僧答詩有昔有鴻傳信今憑犬寄詩句犬寄詩則古所未有者

可爲廖融添一詩奴

稗句


右正雅集符葆森錄

按峻公滿洲人乾隆丙辰薦舉博學鴻詞著有雲彩藏彙

吳鼐 周日贊

吳鼐字大年江蘇無錫人乾隆元年進士鼐幼而嗜學穿穴宋元明儒之書而沈酣於六經撰三正考以駁胡安國夏時冠周月之謬於易三禮尤深暇與仲弟鼎及蔡德晉秦蕙田龔燦爲經會尚書江陰楊名時以經學薦未授官成進士授虞衡司主事聞父訃歸尋歿同邑周日贊字上襄乾隆十六年進士旋授庶吉士改戶部主事遷員外郎視學雲南河南性沈毅典試山西秋暑甚日贊肅衣冠升堂閱卷至夜分房考官列坐不敢平視

右傳楊熙之撰



張永祚

君諱永祚字景韶號兩湖世爲仁和人籍錢塘者自君始隸郡學爲弟子由錢塘也曾祖岐然廩生後出世名載邑志祖元時邑諸生父奏邑廩生自君以上五世皆列膠庠獨君數奇不得一當母徐處士士俊女通曉星學甫離孩抱卽夜從母仰瞻五緯已異凡兒長益究悉占天其宿習也天竺山中農家有女不肖妄許平人得一青衿始可有欲爲君蹇脩者而君年近立猶困童子試謾以博士弟子員應遂委禽入贅從予假襦衫攝盛而往久而察其非也且泣且訕督之攻苦益力交河王學士來典浙學旋被知遇而君儼然真爲諸生破涕始爲一笑無錫嵇公以大學士總制浙閩

求能通知星象者以應乾隆二年二月 明詔試君策立成數千
言大器之薦於 朝授欽天監博士始棄諸生服一再引 見占
候悉驗寓大學士公訥親賜園公無子使參三命微諷以修德致
福而公不能自克君察其不可久居稍稍自遠會 詔刊經史華
亭張司寇照薦君校勘二十二史天文律厯兩志用君所長也書
成方俟議敘而君遽乞假歸取平昔所著天象源委足成之凡二
十卷一卷言象理二卷言象法三卷言象度四卷恆星五卷占時
六卷至十卷占歲十一卷命法十二卷求地平宮法十三卷月離
十四卷命理十五卷西法十格十六十七卷選擇十八卷風雨占
十九二十卷分野而以董仲舒祈禱晴雨附將錄成以呈 乙覽

而君不及待已某年月日卒於竹竿巷萬氏清白堂之寓齋年六十有幾無子族子果葬君於龍井之新阡以孺人李氏祔有女能傳其學嫁諸生沈度其書在度家今度夫婦皆死恐遂湮沒故詳著其例於篇後有通知其意者可以迹也銘曰

屈首經生非所長抑志測驗道乃昌歸而沒命於此藏藏乎此著書滿家君不死

右墓碣杭世駿撰

[illegible]

祝維誥

秀水祝豫堂先生維誥著綠溪詩彙緣所居綠溪莊曰小方壺其

詩清麗芊緜樂府體尤佳

南雅堂筆記

宣臣以奉天府丞之薦部議謂非三品大臣之舉不準試

詞科餘

話

秀水祝豫堂維誥作燕臺新樂府如賣漿潑水響蓋太平鼓之類

各有一篇俱可補長安風土記

菊坡詩話

右正雅集符葆森錄

水縣籍乾隆丙辰薦舉博學鴻詞戊

午舉人官

內閣中書

彌益端

馮成修

馮成修七齡喪母依世父以養每語及其父遠出事輒涕泗交頤益奮學己未成進士選庶常散館改吏部主事庚午晉禮部郎中己卯命督學貴州揭條約十四則以訓士成修得官後兩次乞假尋親卒無所遇以故一生隱痛年六十一假歸不復出掌教粵秀越華書院受業數百人年八十計其父己百有一齡乃持服三年乙卯重宴鹿鳴卒壽九十有五著有養正要規諸書

右廣東通志張維屏錄

馮潛齋先生成修廣東人幼牧牛夢有持扇爲障日者扇上有貴州學政四字因奮志讀書年三十四始遊庠逾年登賢書聯捷點

庶常改部曹典蜀試又典閩試得藍生彩元作解首先是爲王安
國尙書典試所賞必欲中元因與正主試不合爭之不得尙書曰
姑置之此人不中元吾不信也閱二十年果發解尙書喜極而藍
老矣先生嗣出貴州學差果符夢兆旋罷歸好論文有馮入股之
目年九十餘始卒乾隆壬寅八秩與夫人同庚康健無恙屆結褵
周甲之期親友門生駢集稱慶重行花燭交拜之禮自署其門云
子未必肖孫未必賢屢忝科名只爲老年娛晚景夫豈能剛妻豈
能順重燒花燭幸邀天眷錫遐齡至乾隆壬子重赴鹿鳴洵美談
也

右兩般秋雨庵隨筆梁紹壬撰

按馮公字達
天南海人

法坤宏

迂齋姓法氏名坤宏字直方一字鏡野膠州人膠去濰僅二百里
余與迂齋相知三十年音問時至去年冬以近文示余余讀之歎
其老而彌工中有議禮文質以所疑久之無報書余私憂曰迂齋
其有恙乎未踰時而凶問至嗚呼弱年師友至是盡矣始於應童
子試方幼齡而迂齋聲振齊魯聞於眾中望見之乾隆十七年秋
恩科會試將公車北上有款門至者則迂齋也曰我來與君偕余
與迂齋同郡而年不相及聞於友人閻懷庭道其經明言立可追
古人至此得與訂交懷庭迂齋同年友合志術者也迂齋博通羣
經尤邃於春秋所著春秋取義測去例明義解傳注之曲鑿九易

橐而後成以綱目提要後人傳述或失其初非朱子手訂著綱目
要刪爲文喜人彈譏每一字屢更不厭余爲序學古編謂其得太
史公深處吾鄉宋玉叔王文簡未之或先也迂齋報書云言者異
則人心變矣此序他日出之可也遂易而用之其善下不自足如
此法氏原籍濟南始祖文質爲膠州學正遂隸膠籍九傳至怡雲
公實以舉人仕至懷慶府同知 國初死逆鎮海時行之難乾隆
二十九年奉 旨入昭忠祠是爲迂齋高祖曾祖若真特薦五經
異才授中書舍人順治丙戌進士入內翰林院國史院仕至安徽
布政使祖櫟康熙乙未進士任大理寺評事考光祖太學生母焦
氏迂齋初爲學卽厭講師說多特見人咸詫之所爲文閉目不敢